

每週經課朗誦經文(巴克禮台語漢字)2013/11/24

共同經課 - 1 耶利米書二十三章一節~六節

1 耶和華講：「牧者殘害我的草場的羊，互伊四散，in有災禍啊！」2 所以以色列的上帝——耶和華責備許個養飼我的百姓的牧者，按呢講：「恁拍散我的羊群，來趕in去，無看顧in；看啊，我欲照恁所行的歹來辦恁。這是耶和華講的。3 我欲聚集我的羊群所剩的，對我所趕in到的逐國，導in閣倒來in的馴(tiâu)；互in生炭多多。4 我欲設立牧者治理in，養飼in。互in無閣驚惶、印愕，亦無減少；這是耶和華講的。」5 耶和華講：「日子欲到，我欲給大衛興起義的枝；伊欲做王來治理，行代誌有智慧，佇地上行公平及公義。6 當伊的日，猶大欲得著救，以色列欲安然倚起。伊的名欲稱做『耶和華——咱的義』。」

共同經課 - 2 路加福音一章六十八節~七十九節

68 著謳啉主——以色列的上帝！因為伊有看顧伊的百姓，來贖回伊，69 替咱興起拯救的角，佇伊的奴僕大衛的家，70 照伊對有世間以來用伊聖的先知的嘴所講的，71 就是救咱脫離對敵，及見若怨恨咱的人的手，72 來行憐憫佇咱的列祖，來紀念伊聖的約——73 就是及咱的祖亞伯拉罕所咒的誓——74 互咱已經脫離諸個對敵的手，75 一世人佇伊的面前，用聖、用義無驚來服事伊。76 嬰仔啊！你也欲稱做至高者的先知；因為你欲行佇主的面前，來備辦伊的路，77 互伊的百姓對得著赦罪，就知拯救的恩。78 為著咱的上帝憐憫的心，對按呢互早起時的日對頂面來到佇咱，79 來照許個坐佇黑暗及死蔭中的人，導咱的腳入平安的路。

共同經課 - 3 歌羅西書一章十一節~二十節

11 閣照伊榮光的氣力，用逐樣的權能互恁有權能，致到恁凡事歡喜吞懷寬容；12 閣感謝父，因為伊互咱堪得有份聖徒的業佇光明的所在。13 伊已經救咱脫離黑暗的權勢，來搬徙咱入伊所疼的子的國；14 恁佇伊咱得著贖回，就是咱的罪赦免。15 伊是袂得通看見的上帝的像，伊是頭一個生的，佇攏總受創造者的代先。16 因為萬物佇伊來創造，佇天裡，及佇地裡的；有通看見，及無通看見的；或是座位的，或是治理的，或是辦政事的，或是掌權的；萬項有攏是對伊，也為著伊才受創造。17 伊佇萬項有的代先；萬項有恁佇伊來相及倚在。18 伊是身軀的頭，身軀就是教會。伊是源起頭，對死人中起來的頭一個生的，互伊佇萬項有中做第一。19 因為父歡喜互一切的豐盛恁佇伊。20 已經將伊十字架的血來成就和平，就對伊互萬項有及伊本身閣再和——或是地上的、或是佇天裡的——攏是對伊。

共同經課 - 4 路加福音二十三章三十三節~四十三節

33 到一所在，名叫「頭殼碗」，就佇遐釘伊佇十字架，閣釘許個犯人：一個佇正旁，一個佇倒旁。34 耶穌講：「父啊！赦免in；因為in所做的，in毋知。」人就拈鬮分伊的衫。35 許個有司譏刺伊，講：「伊曾救別人；若是做上帝的基督，受揀選的，著救家己！」36 兵丁也戲弄伊，近倚用醋互伊，37 講：「你若是猶太人的王，著救家己！」38 佇伊的頂面有斬條寫講：「此個是猶太人的王。」39 受吊啲的犯人一個褻瀆伊，講：「你豈毋是基督嗎？著救家己及阮！」40 第二個應來責備伊，講：「你既然同受罪，連上帝也毋驚嗎？41 咱受罪是公道，因為咱所受的合佇咱所行，若是此人所行的無一項毋著。」42 就講：「耶穌啊，你佇你的國來的時，著記得我！」43 耶穌就給伊講：「我實在給你講，今仔日你欲及我佇樂園。」